



**New Zeytung Auß Franckreich, Von der Erschrocklichen
Mörderey, so sich zu Bleß, in des Königs beywesen,
zugetragen: An der Person des Hertzogen von Guise, des
Cardinals seines Brudern: vnd zweyer Bischoffen, eines von
Lion, vnd des andern von Amiens, vnd noch mehr anderer
ansehnlicher Personen, die hernach benent werden :
Geschehen den 23. vnnd 24. tag des nechstuerschienen
Monats Decembris, Anno 1588.**

<https://hdl.handle.net/1874/430465>

New Zeitung

Auß Francreich / Von der Erschrocklichen Morderey/so sich zu Bleß / in des Königs beywesen/zugegetragen: An der Person des Herzogen von Guise / des Cardinals seines Brudern: vnd zweyer Bischoffen/eines von Lion/vnd des andern von Amiens/vnd noch mehr anderer ansehnlicher Personen/die hernach benent werden.

Geschehen den 23. vnd 24. tag des negtverschienen Monats Decembris/

Anno 1588.



Getruckt zu Cölln auff der Burgmauren/bey
Godfridt von Kempen.

1589.

Q. 1. 1. 1. 1. 1. 1. 1.

Woher vnd wie sich die erschrocklich Mörderen jetzt verschienen 23. vnd 24 Decembris 1588. in Frank- reich zugetragen.



S ist auff den negstuerschienen
15. Septembris 1588. ein Landt
oder Reichstag in Frankreich
durch König Henricum de drit-
ten dieses nammen/ausgeschrie-
ben worden/ auff welchen alle
Stende/ Geislich vnd Weltlich/ zusammen sollen
kommen vnd beratschlagen/ wie fried vnd einig-
keit angericht möcht werden/ so wol in Religionss-
achen/ als Politischem Regiment/ Wie wol sich as-
ber nun solcher tag auffgezogen/ vnd die Stände
auff benente zeit mit/sondern ein gute weil erst dar-
nach erschienen seindt/ ist in mittels durch die Hus-
gonotischen/ vnd andere so dem von Navarra zue-
gthon/weg gesunden worden/ wie sie der Catholis-
chen fürnemen verhindern möchte/ Welchs dahin
gericht war/ das man des Bapsis von Rom aus-
gangen Vann vnd excommunication wieder den
König von Navarra dermassen zuverckh gestellt
solte haben/ auff das derselbig/ noch seine nachko-

A ji men

4.

men zu der Kron von Franckreich nimmer mehr
succedieren sollte mögen/ aus vrsach/ daß er mit der
Catholischen Religion/ sondern der Calvinischen
verwant vnd zugethan.

Nun tregt sich aber zu Blesz allerlen handlung
zu/ein jede Parthen vil den König auff ihre seitten
ziehen/Die Catholische ermanen denselben/ er sol-
te zuerhaltung seiner Reputation so wol/ als der
vralten Catholischen Religion/die durch ihme/vor
ausgangne Edicta vnd Mandata handhaben/vn
also seiner Vorelter vnd Gebrüdern fuesstapffen
eintreten/ auch damit sehen lassen/das er seinen na-
men Christianissimi Regis/ein gnügen thue. Die
ander aber/so auff des Königs von Nauarra seitē/
vnd Hügenotten waren/lagen hergegen dem Kö-
nig in den ohren/vnd brachten ihme allerlen beden-
cken für/als nemlich der König von Nauarra/we-
re der nägſt zu der Kron/im fal ihre May.(da Gott
vor seie) mit todt ohne leibserben abgienge/ vnd
alslang die lebet/Ihr May.vnderthienigſter/vnd
alzeit gehorsambſter diener/hergegen aber die von
Guise/als ausländer/der Kron mit nichte fähig/
welche negſtuerſchienen May/Ire Maieſt.zu Pa-
ris ein folchen gwalt bewiesen: daß ſie ſich mit groſſ
er ge-

5.

ser gefahr / sampt derselben zugethonen Kriegs-
volk / auf der Statt Pariz begeben hette müssen.
Wie nun der König also zwischen beyden seitten
sich betrangt erfunden / Hatt er lezlich diese Reso-
lution genommen / vnd zu widerbringung / velleicht
durch solche mittel / seiner dahumal verlorenen Re-
putation / diese gewliche vñ erschröckliche Nordt
zugeschenen / zugelassen / wie folgt. Nemlich das

Auff den 23. tag Decembris / eruordert der Kö-
nig zu Bleß den Herzog von Guise zu sich / mit an-
zeigung / er hette mit ihme von hochwichtigen sachē
zureden / vnd zuhandelen / der kompt auff benente
stund / das ist / eben denselben tag (welches ein Frei-
tag / vñ Childeberto / oder wie etlich sezen Dago-
berto / soter gewest) zu morgens vmb acht vhr / zu deß
König Wie er aber in den Saal kompt / so vor deß
Königs Camer gesstanden / vnd hinein zum König
gehet / springt einer / insonderheit darzu bestelt / her-
für / der hinder der thür gewart / vnd gibt ihme hin-
derweris mit einem Dolche / zwey oder drey stich
in den rücken / dar auff alsbald etliche des Königs
Trabanten / oder Helbardiens / zuefahren / vnd
haben ihn gar vermort / vnd Todt erschlagen / sol-
ches alles in beysein des Königs selbst

Welcher

6.

Welcher König auch vonsundan darnach be-
uelch geben/den Cardinal von Guise/des vermor-
ten Herzogen Brüder. Item den Herm von Jen-
ville/des Herzogen Sohn/ vnd darüber auch die
zwen Bischoffe/ einen von Lion/ vnd den andern
von Amiens/darzu den Herzog von Nemours/den
Herzog del Boeuff/den Graffen von Brisach/vn-
den Prouost der Kauffmäns von Pariz. Und vols-
gends auch/den Presidenten von Hoglt/ mit etli-
chen andern. Auß diesen obgemelten seindt erwürge-
vnd stranguliert worden/der Cardinal/sampt den
zwen Bischoffen/dem Prouost/vnd Presidenten/
was nun die von Amiens/ond die von Lion darzue-
thun werden/das wird die zeit mitbringe/ die ohne
zweifel/nach verlierung ihrer Bischoffen/ sich zu-
erhaltung ihrer Religion/versehen/vnd wider ihre
seindt beschützen werden,

Zu Paris aber / ist dazumal der Ducq von
Daumale gewest/welcher/ alsbalt jme solche greu-
liche Mordt vnd zeitung zukomen / In der Statt
so wol zu beschützung seiner selbst person/ als auch
zu erhaltung der alten Religion(deren er sampt des-
nen von der Statt zugethon) hat nach aller an-
gesielten noturfftigen ordnung/ mehr als in die
zwen

zweyhundert/beym kopff nehmen/vnd gefenglich
einzichen lassen.

Bnangesehn nun der Herzog von Guise/sampt
seinem Brudern dem Cardinal/also jamerlich ver-
mordt ist worden/ so bleibt doch nichts destoweni-
ger sein ander Bruder/ der Herzog von Mayne/
noch vbrig/ der sich mit seinem vnderhabenden
kriegsvolck zu Feld helt/ Was aber der König mit
demselben fürnemen wirdt/vnd wie sich die andern
Stätte in Franckreich halten werden/mit oder wi-
der den König/das wirdt die zeit auch mitbringen.
Gott gebe das nach endung des Jars 1588. mit ei-
nersolchen abgreßliche mordt/so in Franckreich ge-
schehn/sich nit ein merer lärmē anfang/sonder wir
das gegenwertig neue Jahr 1589. in fride vnd ei-
nigkeit/mit vnd vndereinander leben/auch Gott
dem Allmechtigen mit forcht vnd rechter
lieb/dienen/vnd denselben loben
vnd preisen mögen/
Amen.

1065565